

天一閣藏明代方志選刊續編



嘉靖南寧府志（廣西）

萬曆營山縣志（四川）

正德蓬州志（四川）

天一閣藏明代方志選刊續編

六七

上海書店

南寧府志前序

南寧古邕州之地西通雲南南控交
趾近扼兩江谿洞之間嘗攷圖經右
江出雲南峩利州左江出交趾廣源
州而會於邕之合江鎮入鬱江以達
于海兩江之所包絡地方數千里大
者爲府次爲州次爲縣其最小者爲

長官司時平則南寧通其驛道一不
幸稍有警動駐師轉饒亦必於南寧
焉有事故欲經畧兩江必自南寧始
唐以邕州開都督府列於五管元和
後廢之兼領於容管而有黃少卿之
叛議者始追咎失策宋初經制未備
一旦儂智高竊發破州城沿江東下

嶺外幾不可守及智高平後乃分折
其地以漸制之而邕州太守特兼經
畧安撫之號兩江無事者垂百年前
世之利害可覩也往者余承乏廣西
臬司督理學政凡符牒下兩江者率
閱月乃達幸而不沉沒拆壞能以時
覆報者十無二三蓋視南寧如在荒

服視兩江谿洞不啻化外地旣遠則
法制禁令之所及者多䟽萌芽容養
至於苞拊桀張乃駭而圖之亦其勢
使然也夫古之剖置方州皆因山川
形便與其道理遠近所宜故或因建
瓴之勢以臨制上游或順臂指之義
以控運四外要歸於建威銷萌以久

治安而已若悉割兩江東包廉欽潯
鬱以北盡平宜柳之境屬之南寧使
自爲牧鎮此所謂臂指之義也則兩
江谿洞可以馴服兩江旣治雖以南
畧交趾可也或曰如此則何以爲廣
西哉曰夫桂林故衡湘地也天文分
野上屬翼軫九疑蒼梧之山形勢曼

衡嶽腹蟠八桂而尾達乎蒼梧湘離二水分繞其下桂林據其上游若屋極然此所謂建瓴之勢也衡東邵道郴桂諸郡綴附廣西并故所轄桂昭梧三郡統之其封畧故爲不小矣今荆湖地理闊遠行部使者病於不能徧歷或議欲拆而衡湘間數

郡歲調兵食以給廣西蓋猶屬之也
若舉而移之經制一定爲服嶺安危
計慮又宜無出於此者南寧故無志
嘉靖丁酉冬吾友郭侯世重守郡乃
創爲之列三十五目釐爲一十卷旣
成問序於余故爲書余所見者以告
之蓋講畫山川形勢以制其阨塞利

害志亦弗可畧云

嘉靖戊戌春二月旣望

賜進士第中順大夫知廉州府事前

提刑按察司僉事兩奉

勅提督江西廣西學政惠安張岳書

南寧府志凡例

一古者列國皆有史若晉乘楚檇杙魯春秋是也志以紀遠紀實去取抑揚矢秉至公與史筆類今志即古史云

一郡邑前代圖志無可考間有出其遺稿者又多弗備今本廣西通志併

大明一統志重加採訪芟繁去妄定爲斯志

一郡屬州縣雖各有志但其間不失冗則失

畧今皆刪補定輯類附誌

一境內山川惟書其名最者餘皆不書

一貢賦前無所據者不書書今之有徵者

一祠廟寺觀載祀典有關係者書之餘皆在

所略

前代職官舊志亡缺今搜撫于史諸書咨

諏山氓故老足傳信者書之

名宦人物忠節惟書其歿者其存者法不

南
得書

一古今詩文記序關係風教者書之餘盡刪去

一麗縣沿革麗邑名分野土產風俗總書附麗志者貴簡也

一事有不可遺者書爲遺事以備參考

卷之四

事有不可遺者書之竟肆以備參考

附志書貴簡也

附志書貴簡也

去

古今雜文附志書貴簡也

南寧府志凡例終





